




datacolor





1133

1589

35295







[Faint, illegible handwritten text, possibly bleed-through from the reverse side of the page.]

ce
pe
Cr
ex
Co
de
su
B

4 Recueil de. pieces sur
ce. qui s'est passé en France,
pendant l'année 1589.

La premiere. est les
Cruautés Sanguinaires
exercées enuers feu M^r. le
Card. de Guise

La vint septieme. Va
derniere. Discours véritable,
sur le fait de. Marthe
Brossier.



[Faint, illegible handwriting, likely bleed-through from the reverse side of the page]



ADVERTISSEMENT
ET CONSEIL

NOTABLE A LA FRANCE,
TOUCHANT SES PRESENTES
extremes miseres & calamitez, & la
crainte de plus grandes, si elle ne fait
penitence, retournant à son Dieu tout
bon & misericordieux: Où elle est ad-
uertie de sa maladie, de la cause, & du
remede d'icelle.

Par M. R. Benoist, Docteur & Lecteur du Roy en Theolo-
gie, & Curé de saint Eustache à Paris.

Cum placuerint Domino via hominis, inimicos
eius conuertet ad pacem. Pro. 16. c.



A PARIS,
Chez Pierre HURY au mont S. Hylaire,
à la cour d'Albret.

M. D. LXXXIX.
AVEC PRIVILEGE.

29

20

[Faint, illegible text, likely bleed-through from the reverse side of the page]



LAGR

LE ET P

de Paris

defense de

de Carth

Romain

nie R, E

re, & C

dit lieu.



de justice, &

non: laquell

representans

de l'univer



A LA GRANDE, NO-

BLE, ET PVISSANTE VIL-
le de Paris, Chef de l'uniõ, pour
la defense de la foy, Religion, &
Eglise Catholique, Apostolique
& Romaine, desire plus grande
felicité R. B. Docteur en Theo-
logie, & Curé de S. Eustache
audit lieu.



Esseurs, estant certain
que la paix salutaire, &
tranquillité d'ordre,
tresgrand don de Dieu
& signe de sa presence
fauorable aux hommes
autremét malheureux,
vient de iustice, & office d'un chacun en sa
vocation; laquelle demãde, que quelques-
vns representans Dieu e ternel, seul Sei-
gneur de l'vniuers (lequel les juger arigo-

reusement, fils defaillent à leur deuoir, qui
 concerne son honneur, & le bien de son
 peuple) commandent & ordonnent selon
 la saincte & iuste volonté, & que les autres
 y obeissent: Depuis qu'il luy a pleu par sa
 grace m'appeller pour regir, enseigner &
 gouverner au ministere Ecclesiastique, bõ-
 ne partie de ceste grande ville, l'ay tou-
 siours tasche, selon le deu de ma vocation,
 regardant & respectant plus le ciel que la
 terre, & craignant dauantage par sa bon-
 té son iugement, que celuy des hommes
 de proposer sans flatterie ny desguisement
 ce que j'ay pensé estre bon, salutaire, & ne-
 cessaire à ccux, ausquels j'ay parlé, ny crai-
 gnant les detractions, les calomnies, &
 trauerses d'aucun, ny la priuation du dan-
 gereux aux Pasteurs & predicateurs espoir
 des choses mondaines, en plaisir, richesses
 & honneurs, où se plaisent & gogayêt (tou-
 tesfois pernicieusement) plusieurs à presēt,
 pour taire la verité; estant tousiours appa-
 reillé pour rendre raison de ma foy & do-
 ctrine, ne proposant rien de particulier, &
 sans claires & suffisantes probations, ains
 disant toutes choses au sens & vnion de
 l'Eglise Catholique, Apostolique, & Ro-

mes, y reit
 que les
 duction
 mieux
 (cognost)
 sition de
 Catholique
 de saint E
 consideran
 ainsi d'y
 que es d
 meront d
 de la m
 & hic
 par l'éc
 des Cur
 que, chacu
 & part
 yong de l
 Eccles
 & seduis
 ains trom
 & auarici
 le entrep
 & pleine
 inuisibil
 auantage.

5

maine, y reünissant à mon pouuoir, tant ceux que les heretiques en separent en la persuasion, que ceux que d'autres (tels que Dieu mieux que les hommes trop legiers les cognoist) en retirent, en l'obeissante profession de la foy & religion Chrestienne, Catholique, & ordonnee sagement par le sainct Esprit, & ainsi necessaire à salut: considerant & apprehendant, en taschant ainsi d'y reünir les separez, qu'il est escrit, que és derniers temps les hommes se separeront de la droicte foy, de l'obeissance, & de la necessaire adhesion de la sainte Eglise & hierarchie Ecclesiastique, ordonnee par Iesus Christ au Pape, és Eueques, & és Curez, desquels la Bulle est l'Euangile, chacun voulant cheminer selon ses desirs & particulieres affections, secouant le joug de l'obeissance necessaire aux Pasteurs Ecclesiastiques, estans attirez à cela, & seduits par ceux qui ne sont Pasteurs, ains trompeurs, temporels, mondains, & auaricieux. Or sachant combien vne telle entreprise est sujette à contrarietez, & pleine de difficultez, partie à cause de l'insuffisance, inconsideration, sans dire dauantage, & inofficiosité de plu-

sieurs Pasteurs, & partie à cause de l'ardeur
 & des subtiles menées de ceux, qui n'ayāt
 des subiets legitiment, ils taschent d'en
 trouuer & prendre où ils peuuent, tout
 leur estant de guerre, comme ceux qui ne
 sont mariez, se pouruoient où ils peuuent
 plus que où ils doiuent: comme aussi par
 ce que le peuple (la proye des fins & ruzes,
 comme les petits oïseaux & poissons des
 grands & rauageux) inconstant, leger,
 imprudent, aimant d'estre trompé, & cō-
 me la mer flottant à tous vents, se laisse ai-
 sement seduire & tromper, estant souuent
 plus curieux & superstitieux, que Chrestie
 & deuot: Suyuant les anciens saincts Pro-
 phetes, Pasteurs, & docteurs, i'ay tousiours
 couché par escrit ce que i'auois premiere-
 ment proposé de voix & de parole, espe-
 rant ainsi ayder la memoire, & confirmer
 la foy, pieté, & deuotion de mes auditeurs,
 & profiter aussi à ceux qui ne m'auoient
 ouy: comme aussi confondre les calom-
 niateurs de la voix & parole qui passe, par
 l'escriture, qui demeure ferme & perpetuel
 tesmoignage de la verité des choses. I'ay
 aussi consideré, que l'office des Pasteurs &
 predicateurs, auxquels Dieu reuele ses se-

crets pour son Eglise, est de preuoir, & pre-
 dire au peuple les dangiers & les maux fu-
 turs, l'aduertissant de s'en donner garde,
 & les euitier, retournant par vne vraye pe-
 nitence à Dieu, duquelle le peché & l'igno-
 rante desobeissance le separe: comme aussi
 cause par consequēt vne pernicieuse lycā-
 thropie entre les hōmes, lesquels ne s'aimēt
 par ce qu'ils n'aiment Dieu, duquel l'hom-
 me a l'image, & le represente: aucun ne
 pouuant aimer l'image & memoire de ce
 qu'il ne cognoist ny ne l'aime. Cela a fait,
 que poursuyuant & continuāt en ce temps
 tenebreux ceste tant necessaire reforma-
 tion, conuersion, & penitence, i'ay touf-
 iours proposē & inculqué la cognoissance
 & recognoissance de Dieu, & de sa Reli-
 gion Catholique, non en ses hauls & pro-
 fonds mysteres, mais bien en ses fonde-
 ments & principes, que tous sont tenus de
 sçauoir explicitement, s'ils veulent estre
 sauuez. Ce que i'ay fait plus diligemment,
 par ce que l'Escriture sainte enseigne sou-
 uent les benedictiōs & les graces de Dieu
 sur ceux qui le cognoissent: & au contraire
 les maledictiōs sur ceux qui ne le cognois-
 sent veritablement; pensant que la cause

de tant & tant de miserés , qui accablent le pource peuple , est son ignorance , selon qu'il est escrit : *Populus non intelligens vapulabit*, &c. toute l'Escriture tendant à ceste fin & but , de faire veritablement cognoistre Dieu , pour l'aimer & servir . Or par ce que le saint Esprit est la cause de telle cognoissance salutaire , lequel n'est receu des tenebreux mondains & charnels pecheurs , j'ay tousiours taché à les purger par continuës increpations : à fin qu'estés ainsi purgez , ils fussent aisémēt illuminez , cognoissant & embrassant la verité , & fuyant tout peché , les tenebres des erreurs & des abominables heresies , desobeissances , separations , & superstitions , mal de nostre temps , & cause de tous nos maux , lesquels ne cesseront , si elle n'est ostee par son contraire . Or par ce que la penitence , qui est parfaite par charité , est vtilement commencee par la crainte , laquelle n'ont ceux qui ne voyent , ne sentent , & n'apprehendent leur mal present , & ne preuoyent les plus grands dangiers futurs : ayant les iours passez fait plusieurs remonstrances , comme Dieu nous en a fait la grace en ce malheureux , tempestueux , inconstant & perilleux

rilleux temps, touchât nos maux presens,
 leur cause, & remede certain & necessaire:
 J'ay bien voulu (Messieurs de Paris) pour
 aider & fortifier en foy, science, & patien-
 ce, vostre zele tel que tous le cognoissent,
 vous en donner vn Sommaire, non pour
 vous espouuanter aucunement, mais pour
 vous encourager vtilement, seurement, &
 salutairemēt, vous faisant fortifier en Dieu
 sans lequel il ne peut y auoir seure ny heu-
 reuse vnion, prosperité, victoire, ny paix,
 ains tout malheur, par l'esprit malin, en-
 nemy de l'homme, trop foible sans Dieu
 sa forteresse: la paix duquel pacifie l'hom-
 me avec luy mesmes, & avec son prochain.
 Mais par ce que l'obseruāce de sa loy nous
 vnist à Dieu heureusement, & la transgres-
 sion nous en separe malheureusement, j'ay
 trouué bon adiouster icy quelques textes
 de l'Escriture sainte, propres à cela, &
 tresvtils à toutes personnes bien Chre-
 stiennes, comme la lecture le monstrera:
 priant Dieu vous faire la grace d'y profiter
 autant que ie le desire. Escrit à saint Eu-
 stache à Paris, ce premier de Septēb. 1589.

*Credite Deo, & securi eritis: credite Prophetis eius, & eun-
 sta euentus prospera.*

2. Paral. 20.

B.



PREFACE AV LECTEUR
CHRÉSTIEN.

Ayant toujours (Lecteur benueole) selon le talent qu'il a pleu à la bonté diuine me départir (communiquant sans enuie ce que i'ay apprins sans fiction d'erreur ou de superstition) combattu apertement l'heresie, mal contraire ala foy, Religion, & Eglise Catholique en ellemesmes, & comme in abitracto, par raisons & autoritez, armes des sainctes, sincerés & orthodoxes Docteurs, proposant la saine doctrine, & refusant ceux qui la contredissent, lisant, preschant, & escriuant ordinairement, n'y ayant eu heresie de mon temps, contre laquelle ie ne me fais opposé, comme tesmoignent apertement mes escrits, sermons, & leçons: l'ay pensé estre fort expedient en ce temps confus, corrompu & renuersé, la battre, & comme la sapper & miner en sa cause, fondement & racine, qui sont les mœurs corrompus, & les pechez: comme la bonne & deuote volonté, & les sainctes & bonnes mœurs, sont le fondement de la droicte foy y disposant de nostre part, & conseruant en l'union, alliance, & protection de nostre Dieu iuste, sainct, & bon. Car les scauans & sainctes anciens Docteurs n'ont escrit sans grande raison, que come les Mousches & les Grenouilles (figures des heretiques, membres pourris & separés) nasquissent de la pourriture & corruption corporelle, & defailent avec icelle: ainsi les heresies, la punition, & les fruicts des pe-

chez & vices, s'esuanouissent avec les pechez, les mœurs corrompues, & les abus, par lesquels, causes des tenebres & erreurs, le saint Esprit estant chassé, la France repossedee par Satan, & ses esprits plus malins, a esté en plusieurs miserablement infectee d'hypocrisies, d'heresies, de sorcelleries, de superstitions, de libertinages, de desbordées & effrenees paillardises & dissolutions charnelles, pompes orgueilleuses & mondaines, principalement es femmes & filles incorrigibles, comme enragees & folles obstinees, stupides, & miserablement auenglees, mesmes (ô horreur) es personnes des Religions votiuues, esquelles nous voyons les femelles plus ardentes, curieuses, & incorrigibles es pompes, delices, & dissolutions mondaines & charnelles, que ne sont les femmes du monde les plus corrompues, & depravees, & non eslongnees d'atheismes. Cela a fait que telles tenebres ne pouuans comprendre la lumiere celeste infuse, ou preschee, les hommes de ce siecle, lesquels Satan a auenglez par infidelité & par ses tenebres, n'ont prins goust ny edificatton es sincerés predications, se plaisant & addonnant à vanité, fabulositez, & pernicieuses profanes curiositez conformes à leur disposition, souuent pour ceste cause proposees par ceux, qui seruant trop au temps & aux personnes, sans s'y oublier aussi, ils ont micux aimé ainsi estre caresez, enrichis, louez, & applaudis, que hays, calomniez, denuez, mesprizez, delaissez, & persecutez par les mondains, liberins, & hypocrites Chrestiens, non fideles, mais politiques & polypistes, lesquels trespernicieusement preferent aussi les liures charnels, diaboliques & lascifs de Cupido & Venus, aux sainctz & diuins. Il faut donc purger le vaisseau de nos ames, pour y conseruer & receuoir la bonne liqueur, disant saint Paul, que Iesus Christ illumine & esclaire ceux qui s'esueillent, & se leuent des œuures mortes de peche. Voila nostre presente in-

zention (Lecteur prudent) où nous vsons de quelque aspre-
 té charitable, à cause de l'obstination des hommes de no-
 stre temps en peché & erreur, suyuant s. Paul, qui dit:
 Increpa illos durè, vt sint sani infide: & Iesus-
 Christ mesme increpant ses deux disciples qui alloient en
 Emaus. Je n'ignore certes, que Satan, dit Diable, parce qu'il
 tasche tousiours de souiller & diffamer les sinceres &
 saincts, des crimes contraires à leur sincerité & vertu,
 ayant fait esleuer les femmes deuotes contre les Apostres
 mesmes, & fait par les Iuifs malins, corrompus, & en-
 uieux, accuser, crucifier, & mourir Iesus Christ, comme
 heretique & seditieux: comme aussi il tascha faire le sem-
 blable contre sainte Geneuiefue par les Parisiens trop cre-
 dules aux menteurs, detracteurs, & calomnieux ses mi-
 nistres & esclaves, durant la guerre du cruel Tyran At-
 rila: Je n'ignore, di-ie, que ce dragon sanguinaire ne cre-
 ue, perdant sa proye. Mais ie prieray Dieu tout bon &
 tout puissant m'assister par sa grace, comme Dauid contre
 Semei, Ioseph contre ses freres, & Iob contre ses amis &
 sa propre femme, disant avec saint Martin apres Dauid:
 Dominus mihi adiutor, non timebo quid faciat
 mihi homo. Illi gloria, vindicta, & fama nostræ
 oblatio: nobis autem tribulatio, fides, & patien-
 tia sanctorum. Amen.

ADVERTISSEMENT ET CONSEIL NOTABLE A LA FRANCE, touchant ses presentes extremes miseres & calamitez, & la crainte de plus grandes, si elle ne fait penitēce, retournant à son Dieu, tout bon & misericordieux: Oū elle est aduertie de sa maladie, de la cause, & du remede d'icelle.



Onsiderant attentiuement avecyne humaine & Chrestienne commiseration (ô France, autrefois si excellente & heureuse) tes presentes calamitez & miseres tresgrandes, à cause de ton orgueil, pompe, luxure, dissolution extreme en tout aueuglement, & stupeur, ignorance, oubliance de ton Dieu, & obstinee contrariete à sa sainte volonte, en la transgression de ses saints Commandemens, qui sont son alliance avec ses eleus, declaree par sa parole & Escriture sainte en son Eglise Catholique: Et en preuoyant & craignant encores de plus grādes & horribles, si Dieu tout puissant & bon, par sa singuliere & speciale grace ne prend ta cause en main pour son saint & admirable nom, pour la conseruation de sa sainte Religion Catholique, & de la foy & salut de son peuple obeissant & humble, iaçoit que petit en nombre, contemné, & comme banny au monde malin & corrompu, esclauc

de Satan, Prince du monde, & de ce siecle tenebreux, malin & confus: l'y accommoderois volontiers par vne extreme dueil & compasiō charitable, les lamentations que fist, monstrant son saint & sincere zele, le Prophete Ieremie (non receu ny creu en ses saints, charitables, & necessaires aduertissemens precedents en vn tēps semblable au nostre) sur son peuple ruiné, & mené captif en Babylone: & principalement sur ceste grande, & tant auparauant florissante ville de Ierusalem, ruinee & faicte malheureuse à cause de son incredulité, desobeissance & repugnance aux Prophetes, porteurs de sa sainte & sanctifiante, viue & viuifiante, claire & esclairante Parole, que Dieu eternal luy enuoyoit misericordieusement, pour l'aduertir & conuertir: N'estoit qu'il me semble que tu la surmontes & surpasses beaucoup en toutes sortes de misereres & afflictions, sans que tu le sentes & l'apprehendes, comme il te seroit bien necessaire, si tu ne veux perir comme elle, laquelle tu sembles suyure en mal, auuglement, & obstination, te disposant à vne semblable, ou plus grande ruine: & telle paraenture, qui est indeterminément predite en l'Apocal. 17. & 18. chap. Comme aussi les graces diuines, desquelles tu as abusé trop indignement & ingratement, sont sans comparaison plus grandes que les siennes. Iceluy Prophete deplorant l'estat miserable des Iuifs, disoit que leur briseure & malediction estoit grande comme la mer. Mais i'oserois bien dire de toy, que la tienne outrepasse l'immensité des cieus, & de tous abysses terrestres, te pouuāt

accommoder les ectases & acclamations amplifi-
 catiues & expressiues des miserables, desquelles ont
 vsé les Prophetes, en inuoquant & appellant en
 admiration tous les cieus & les elements, pour
 s'esbahir avec stupeur, des pechez, des abomina-
 tions, de toutes sortes de maux, & des calamitez
 qui estoient de leur temps, comme nous lisons en
 Esaie. 1. chap. Ieremie. 2. & c. Car depuis la plante
 du pied iusques au sommet de la teste il n'y a san-
 té en toy, France, tous estans defaillans & vicieux,
 & principalement (qui est ton plus grand mal)
 ceux qui deuroient conduire, dresser, & retenir les
 autres en office, tant par autorité & puissance,
 que par exemple: cela estant en trop verifié, que
qualis populus, talis sacerdos, talis est Propheta: chose
 véritablement digne de pleur & de commisera-
 tion: Pouuant iustement comparer ton corps
 politic, au naturel & propre de Iob, vlcéré, deschi-
 ré, & miserablement discrucié. Car ton mal est si
 grand, que si Dieu eternal par son infinie bonté
 & misericorde ne te soustenoit, tu ne pourrois au-
 cunement subsister, ne te restant que le dernier
 soupir, encor que tu ne le sentes ny apprehédes,
 ô France (qui est bien ton plus grand mal) pour
 en faire vne vraye penitence: *Dissipati enim sumus,
 sed non cōpuncti*: estant autât abbaissee, humiliée,
 & abiectée par deffous toutes les autres nations
 (desquelles tu es la risée, la fable, la moquerie, &
 la proye tresiustement, veu que ta folle, desbor-
 dée, auenglee, & dissoluë curiosité, laquelle tou-
 tefois tu ne corriges, estant insensee, obstinée, &
 comme desespérée, a imité, suyui & embrassé les

annees paffees, toutes leurs corruptions & vanitez
 damnables: comme aufsi ie crains que tes cruautez
 barbares, infernales & diaboliques, desquelles il
 est escrit en l'Apoc. 9. ne presagient que tu tom-
 beras en la puissance des diables, qui te seduiront
 icy: dequoy nous voyons desia de tresgrands a-
 cheminemens es heresies & es superstitions, &
 puis te tourmenteront en Enfer, fin & retribu-
 tion des obstinez contre Dieu) que tu leur estois
 au parauant en admiration plus excellente, & en
 tout superieure: ta condition presente estant pire
 que quand tu n'estois Chrestienne, par ce que
 Satan ton cruel & perpetuel ennemy, & ancien
 Prince & possesseur, chassé de toy par le Seigneur
 Dieu eternal, createur & redempteur Iesus Christ
 par le moyen de son Euangile & de sa sainte re-
 ligion, y estant r'entré à cause de ta negligence,
 ingratitude, & miserable apostasie & incredulite.
 à Dieu, à sa parole, à son Eglise, & à ses Prophe-
 tes, & de ta desvniou, desobeissance, & separation
 de tes Pasteurs legitimes & hierarchiques, avec
 multitude des esprits plus malins, il te tourmen-
 te, deschire, & vilennie horriblement en toutes
 façons & manieres possibles, te faisant estre en
 Babylone en ta propre terre, où tu es mangée en
 tes propres villes & maisons, y estant deschiree &
 rauagee par tes propres enfans. O malheur mise-
 rable, & te renuersant & ruinant de fond en cō-
 ble! O malheureux malheur! O malheur extre-
 me! Mais tu ne le sens, estant auéglee, & faite
 iustement stupide par tes trop excessifs pechez &
 abus: estant semblable aux furieux, qui rient &
 chantent

chantent en mourant. O France, esueille toy, & pense à toy: eschappe les liens de Satan, & retourne bien tost à ton Dieu tant bon, misericordieux & patient, lequel dès long temps te recherche en tant de manieres, de sa grace & bonté, par chastimens-diuers. Car comme tu as excessiuement peché, & y continues obstinément, ainsi aussi tes punitions sont grandes en toutes choses, mais tresgrandes en cela principalement, que tu ne cognois, tu ne sens, & tu n'apprehendes ton malheur, tant present, que futur, sans comparaison plus grand, & d'entiere extermination, si tu ne veux autrement te reconnoistre & t'humilier par vne vraye conuersion & penitence vers ton Dieu, y mettant ta fiance, avec vn ferme propos de luy seruir & plaire à l'aduenir en vne sincere, & faite par vne obeissance profession, de sa sainte, seule, salutaire Religion Catholique, par vne parfaite obseruance de ses saints Commandemens, & de son espouse l'Eglise, qui t'a honoree du tiltre de Treschrestien Royaume, & ornee d'infinies marques & signes de pieté & sainteté. Mais ie te prie, France, desueille toy, repren tes bons esprits, & considere combien tu es miserablement affligée en tes biens externes, és corps, & principalement és ames: ce qu'est le plus dangereux, & que tu cognois, sens, & apprehendes le moins, par l'astuce de Satan, qui t'abrutist, t'endort, te charme & enforcelle. Mais esueille toy, & pense si tu as l'vsage & pleine iouissance de tout ce que tu possedes, soit aux champs ou à la ville. Tes corps ne sont-ils point aussi bien le pillage des barbares & cruels

voleurs, tant tiens enfans que estrangers, que tes richesses? Où est la seureté de la chasteté des femmes & filles? Où est l'assurance de la Religion ny de l'Etat? Qui est sans crainte de sa vie propre? Mais n'es-tu pas comme la sentine & l'esgoust de la corruption de l'Vniuers? N'es-tu pas à present le tablier, sur lequel se jouë toute l'iniquité, & le champ où se rencontre toute la malignité de la terre & des Enfers? Tes pources enfans languissans ne deslechent-ils pas pour la iuste crainte & apprehension qu'ils ont de plus grands maux, & mesme aussi d'une entiere ruine, & extermination, punition, & suite certaine de obstinez & endurcis en malice, comme nous sommes en la plus part, ne voulant & comme ne pouuant, tant nous sommes habitez & accoustumez en mal, nous reconnoistre, nous changer, & nous conue, tir par vne vraye & Chrestienne penitence, disant le bien estre le mal, & le mal estre le bien, estans remplis d'hypocrisies & de malignitez? Car nous sommes si tenebreux, que quasi nous ne pouuons voir ny endurer la clarté de la lumiere diuine, ny naturelle & humaine, ne nous plaisât que en corruptiôs, mondanitez, vanitez, charnalitez, superstitions, folies, & choses contraires & du tout repugnantes à la parole de Dieu, & à la droicte raison, honnesteté & vertu, estans en nos actions, & principalement, ce qu'est du tout abominable & intolerable, les femmes & filles orgueilleuses, esuergônees impudemment impudiques, enragees & folles, hors les limites & les bornes de la parole de dieu, de la Religion, & de la raison, mesprisant Dieu,

sa parole, & ses Prophetes. Car nous ne viuons &
 ne conuersons ny en hommes, ny en Chrestiens,
 ny selon les regles & offices de nos vocations, &
 honnesteté publique. Ayant par la bonté & gra-
 ce de Dieu speciale excellemment en ce pays tant
 bon, doux, & fertile, esté appellez du Paganisme
 au Chrittianisme, nous auons, ce pendant que la
 Chrestienté a eu en nous sa première chaleur &
 ferueur, vescu & conuersé en Chrestiens pour vn
 temps, la charité de Dieu & du prochain paroif-
 sant en nos actions : mais depuis declinant de ce-
 ste perfection, nous auôs vescu en hommes, puis
 en bestes, n'ayant soin que du ventre: & finable-
 ment nous viuons & conuersons à present en
 grande partie en diables, estans ennemis de Dieu
 eternal, & de son honneur (n'en parlant ordinai-
 rement qu'en le blasphémant, le maugreant, & le
 reniant iusques au populaire impunément au veu
 & sceu des superieurs, tant Politiques que Eccle-
 siastiques) comme aussi des hommes, & de leur
 bien, heur, & conseruation. Car nous voyons que
 l'homme est loup à l'homme, l'humanité, fonde-
 ment de la sainte Religion, defaillane avec la
 foy. Pourquoy i'oserois afferer, que si nous ne
 voulons nous changer, & reprêdre la crainte de
 Dieu, & l'obseruance de ses saintés & sanctifiens
 Commandemens, en l'vnion, adhesion, & obeis-
 sance de son Eglise, la Hierarchie Ecclesiastique
 faisant tout par l'auctorité de commandemēt ou
 d'approbation de nos Pasteurs legitimes : nous
 ne deuons attendre que vne diuine reprobation,
 avec vne entiere ruine, & extreme exterminatiō,

tant en la Religion, que en l'Estat, soustenu de
 Dieu, qui hait & punist le peché. Car la cause de
 tous nos maux est nostre faute, nostre ignorance,
 nostre orgueil, nostre desobeïssance, nostre pa-
 resse, nostre negligence, & nos abus des graces de
 nostre Dieu: lequel nous ayans delaisié, pour n'a-
 uoir obserué les Commandemens, & ceux de son
 Eglise, alsistee du saint Esprit, il nous punist ius-
 tement, nous delaisiant en la main & puissance
 de nos ennemis: par ce que nous n'auons voulu
 demeurer en sa garde & protection, nous sepa-
 rant de luy & de son Eglise par nostre philaph-
 tie, & desreglee volonté, & n'y retournant (ce que
 luy desplaist plus) par vne vraye penitence: Nous
 donnant des superieurs en sa fureur, inutiles &
 scandaleux, permettant pour la punition de nos
 abus, negligences & ingrattitudes, que les esprits
 d'erreur nous seduissent par heresies, superstitiós,
 & mondanitez: qui sont signes d'un peuple non
 fauorisé, mais delaisié de Dieu eternal, selon qu'il
 est escrit: *Ita non est propheta, nos non cognoscet amplius.*
 Car nous viuons, comme s'il n'y auoit Dieu ny
 Loy, Prestre, ny Roy, endurent confusion. Sa-
 chons donc & apprehendons, pour en faire nos-
 tre profit, n'apprehendant pour desesperer, nous
 accabler de tristesse, & nous espouuâter avec vne
 timidité languide & descourageante, ains pour
 nous encourager entierement, retournât, & nous
 reünissant a Dieu tout-puissant par vne vraye pe-
 nitence, moyé certain d'estre hardis & victorieux:
 que tous nos maux presens inaudits, infinis, &
 tresgrands, tant és ames principalement, que és

corps, & és choses externes, viennent de nos negligences, de nos ignorances, de nos pechez & abus, & de nos ingrattitudes vers Dieu eternel, lequel à present bien peu cognoissent, recognoissent, aiment, craignent, seruent, & reuerent comme il faut: tous quasi estans perdus, deprauez, & menez en toutes impietez par l'astuce des esprits malins, par ce qu'ils sont amateurs d'eux mesmes, & des voluptez charnelles, pour lesquelles ils delaisent & oublient Dieu, leur prochain, & leur salut, cheminant en tenebres, estans terrestres, brutaux, & animaux, sans Dieu, sans loy, & sans raison, reiettant l'imitation, & rompant l'alliance de Iesus-Christ, selon la promesse du baptesme, & reprenant tresdangereusement celle de Satan, auquel, & à ses œures & pompes, ils auoient renoncé en leur baptesme, n'estans Chrestiens que de nombre & nom, & non pas d'imitation & de merite. Voyla nos maladies & nos maux, & leur cause, desquels Dieu seul nous peut deliurer, nous recherchant, preuenant, & aydant par sa grace, par interieures inspirations, par externes predications & admonitions: comme aussi par diuerses visitations & tribulations medicinales & salutaires és ames, és corps, & és choses temporelles, pour nous retirer de leur abus. Mais par ce que Dieu tout bon & iuste donne ses graces selon la disposition d'vn chacun, donnant à celuy qui a, & ostât à celuy qui n'a point: il est necessaire de nostre costé, que nous ayons vne bonne volunté, réplie d'vne vraye foy, nous humiliant en vn cœur veritablement contrit &

penitent vers sa diuine majesté, avec vne asseuree esperance en sa bonté & grace: à fin que comme en la terre labourée & rompue la semence profite, ainsi en nos cœurs préparez, ouuerts, humiliez, & contrits par vne vraye penitence, & circoncision spirituelle par le glaïue du sainct Esprit, lequel est le conseil & la force des eleus & Chrestiens sinceres, obeissans, & iustes, la diuine semence de la Parole de Dieu, medecine certaine cōtre tous maux, sortisse son plein effect d'efficace d'entiere guerison, nous fortifiant, redressant & renouellant par vne vraye foy, esperance & charité, esclairant nos entendemēs, & eschauffant nos volontez, pour cognoistre veritablement, & aimer & poursuyure religieusement les choses qui nous sont necessaires pour plaire à nostre Dieu, & viuant icy paisiblement & heureusement avec abondance de tous biens, paruenir finalement à la vie eternelle: croyant que nostre Dieu tout-bon souuent nous menasse, ne voulāt nous frapper: comme aussi il nous frappe corporellement, pour nous guerir spirituellement, nous affligeant misericordieusement en ce monde, pour nous exalter en l'autre. Pourquoy cooperant à sa grace, demandons que sa sainte volonté soit faite, & non pas la nostre, suyuant Iesus-Christ nostre exemplaire, & les Saincts ses seruiteurs fideles. Voyla vne succincte & briefue representation de nos maux presens, de leur cause, & de leur medecine: pour la confirmation de laquelle j'ay bien voulu icy adiouster quelques textes expres & formels de l'Escriture sainte, &

Parole de Dieu, demeurante eternellement, & faisant viure constamment, heureusement, & seurement, ceux qui luy adherent par vne vraye foy, laquelle nous fait aisément vaincre tous nos ennemis, nous purgeant, illuminant, fortifiant, enhardissant, viuifiant, & parfaissant pour la vie eternelle. A Dieu tout bon soit gloire, benediction, & louange. Amen.

Si in malitia perseveraueritis, vos & rex
 aester peribitis. 1 Reg. 12. c.

*ADVERTISEMENT TOUCHANT LES
 propres textes de l'Ecriture sainte icy adioustez: sca-
 voir est, Levit. 26. Esaie 1. & 3. ch. lesquels tous sin-
 ceres Chrestiens & bons Catholiques deuroient tous-
 iours auoir es mains, & en leur memoire. Car en iceux
 nous auons comme vne prognostication & prediction
 de tout bien ou mal, qui aduendra à tous royaumes,
 à toutes villes, & à toutes personnes.*



L'A y pēsé estre beaucoup vtile au pre-
 sent Traicté, y adiouster, comme en
 estant la confirmation, les trois Cha-
 pitres de la sainte Bible suyuās, pour
 plusieurs raisons. La premiere est, par
 ce que l'Ecriture sainte estant expresse & for-
 melle, a vn merueilleux pouuoir, & vne tresgrā-
 de efficace d'ellemesme, pour persuader quelque
 chose aux bonnes & religieuses ames, cōme aussi
 pour confondre les impies, & esclairer les tene-

breufes, non obstinees, ny reprobuees. La seconde est, par ce que nostre Seigneur Iesus-Christ y enuoye ordinairement, & luy mesmes l'a souuent alleguee, tant pour confirmer les bons, que pour confondre les impies & meschans, estant vn feu diuin, & la force de Dieu eternal. La troisieme est, par ce que au premier chapitre icy allegue font contenues & proposees choses dignes, & comme necessaires d'estre cognues, & souuent pensees d'vn chacun, estant vne certaine perdition de ce qui aduiendra en tout temps & en tout lieu, à toutes personnes, tant bonnes que mauuaises: sçauoir est, l'heur indicible de ceux qui gardent, & le tresgrand malheur de ceux qui transgressent la Loy, & les Commandemens de Dieu eternal, tant és mœurs, que en la foy, en la religion, és ceremonies, & és iugements. C'est pourquoy toute l'Escriture sainte a icelle loy pour son obiect & subiect, ou pour l'enseigner, l'expliquer, la fonder, & l'inculquer avec ses appartenances & choses adiointes, comme il est fait és cinq liures de Moyses: ou pour aduertir le peuple, qui ne la garde, du mal qui luy aduiendra, s'il ne fait vraye penitence, se punissant luy mesmes: comme aussi de la necessaire venue de Iesus Christ, de sa grace, & de l'ayde de son saint Esprit, necessaire pour bien & salutairement l'entendre, & la garder, par charité & amour de Dieu & du prochain, qui sont l'obiet d'icelle loy, come il est fait és escrits des Prophetes: ou bié pour nous proposer les exemples de l'heur de ceux qui l'ont gardee, & du malheur de ceux qui l'ont trās gressée,

gressée, comme il est fait és liures des histoires
 sacrees & saintes: ou bien pour enseigner les
 choses qui sont requises de nostre part pour co-
 operer à la grace de Dieu en l'observation d'i-
 celle loy, comme il est enseigné és cinq liures de
 Sapience, ou de Salomon: ou bien pour propo-
 ser toutes les choses suddites ensemble, comme il
 est fait és Pseaumes de Dauid, pour ceste cause
 nommez à part par Iesus-Christ, & celebrez or-
 dinairement par l'Eglise au seruice de Dieu eter-
 nel. La quatriesme est, par ce que au second Cha-
 pitre, qui est le premier d'Esaië, sont contenues
 choses fort conuenables à nostre temps, tât pour
 l'abondance de nos miseres & malheurs presens,
 que pour le moyen seur d'en estre deliurez. La
 cinquiesme est, par ce que au troisieme Chapi-
 tre icy proposé, qui est le troisieme d'Esaië, est
 contenu & representé au vif, & reprins aspre-
 mēt l'intolerable & inaudit desbordement de nostre
 temps, & principalement touchant la desobeis-
 sance & rebellion des inferieurs & petits, vers les
 superieurs & grands: chose tresdangereuse, &
 qui fait, & fera de plus en plus vne trespernicieu-
 se confusion: comme aussi touchant le mal, qui
 vient de la dissolution, luxe, pompe, & manie des
 femmes & filles superbes, folles, & impudemēt
 impudiques de ce temps malheureux, lesquelles
 sont cause de tous les maux que nous endurons,
 & attendons plus grands, à cause de leur obstinee
 dissolution, pompe & impudicité, icelles estan-
 tes les organes & instrumens de Satan pour per-
 dre le monde. Or ces textes- là bien entendus &

retenus nous donneront grande consolation & nous ayderont beaucoup si nous auons vne bonne volonté à faire vne vraye & cordiale penitence, & nous reformer salutairement, pour auoir vn Estat paisible & heureux. Mais c'est le mal, que nous ne sommes affectez à ce qu'est pour nostre bien, estans plustost incitez & affectez au temporel, que au spirituel: s'en trouuant bien peu, qui n'aiment mieux gagner vn escu, que d'apprendre à se sauuer. O folie & rage! I'y eusse volontiers aussi adiousté le premier chapitre du Prophete Ioël, & le troiesme du Prophete Michee, qui me semblent estre vn clair miroüer pour nostre temps, n'estoit la crainte d'offencer aucun en vn temps si delicat, chatouilleux, & plein de calomnies, d'animositez, & toutes mauuaises volontez. Les lise & note qui vouldra.

Reformons nos mœurs, mais retenons la foy & religion ancienne & profession d'icelle en l'vniõ de la hierarchie Ecclesiastique siege du saint Esprit.

Primum querite regnum Dei & iustitiam eius, & omnia adiucientur vobis. 5. Math. 6.

Vous ne vous ferez point d'idole ne entailure, & ne vous dresserez aucuns titres, & ne mettrez pierre in-
 signe en vostre terre pour l'adorer: car ie suis le Seigneur
 vostre Dieu. Vous garderez mes Sabbats, & craindrez
 mon sanctuaire. Ie suis le Seigneur. Si vous cheminez en
 mes ordonnances, & gardez mes commandemens, & les
 faites, ie vous donneray la pluye en son temps, & la ter-
 re dōnera son fruct, & les arbres serōt remplis de pom-
 mes. La bature des grains entre vous rēcōtrera la semail-
 le, & māgerez vostre pain en saciētē, & habiterez en vo-
 stre terre sans aucune craincte. Ie donneray paix en vos
 contrees. Vous dormirez sans qu'aucun vous espouante.
 Ie feray cesser les mauuaises bestes: & le glaiue ne passa-
 ra point par vos bornes. Vous poursuiuez vos ennemis,
 & tōberont deuant vous. Cinq de vous en poursuiuront
 cent estrangers: & cent de vous en poursuiuront dix mil-
 le, & vos ennemis tomberont par glaiue deuant vous.
 Ie vo' regarderay & vous feray croistre, seray multipliez
 & establi ray mon alliance avec vous. Vous māgerez les
 tresvieilles prouisiōs des anciens, & ferez sortir le vieil,
 suruenant le nouveau. Ie poseray mon tabernacle au mi-
 lieu de vous, & mon ame ne vous reiettera point. Ie che-
 mineray au milieu de vous, & seray vostre Dieu, & vous
 serez mō peuple. Ie suis le Seigneur vostre Dieu, qui vous
 ay retirez du pays d'Egypte, afin que ne leur fussiez serfs:
 & qui ay rompu le cordeau de vostre joug, à fin que vous
 cheminez la teste leuee. Mais si vous n'obeissez à moy,
 & ne faictes tous mes cōmandemēs, & si vous mesprisez
 mes ordonnances, & contemnez mes iugemens pour ne
 faire point ce que i'ay ordonnē, en seignāt mon alliāce
 ie vous feray aussi ces choses. Ie vous visiteray incōtinēt
 en pauureté, & ardeur, qui consumerōt vos yeux, & con-
 tristeront vos ames. Vous semerez pour neant vostre se-
 mence, laquelle sera destruicte des ennemis. Ie mettray
 ma face contre vous, & tōberez deuant vos ennemis, &
 ceux qui vous hayent, auront seigneurie sur vous: vous
 fuyrez sans qu'aucun vous poursuyue.

Que si encore ainsi n'obeyez point à moy, i'en adiou-
 steray pour corriger, sept fois plus sur vos pechez. Et bris-

ray l'orgueil de vostre dureté, & vous rendray le ciel sur vous comme fer, & la terre comme airain. Vostre labeur se consumera en vain, vostre terre ne donnera point de germe, & les arbres ne donneront point des pommes. Si vous cheminez à l'encontre de moy, & que ne vueilliez point obeyr à moy, i'adiousteray sur vous sept fois plus de playes selon vos pechez.

Je vous enuoyeray les bestes des champs qui desferont vous & vostre bestail, & appetisseront toutes choses, & vos chemins serōt deserts. Que si par ces choses vous n'estes point corrigez, mais cheminez à l'encontre de moy, le chemineray aussi contre vous, & vous frapperay sept fois pour vos pechez, Et feray venir sur vous le glaiue vindicateur de mon alliance: & quand vous fuirez és villes, ie vous enuoyeray la pestilence au milieu de vous, & ferez liurez en la main des ennemis: Quand ie vous auray rompu le baton de vostre pain, tellement que dix femmes cuiront vos pains en vn four, & vous les rendront en poids, & vous en mangerez, & point n'en ferez saulez. Que si pour celà vous ne m'obeissez point, ains cheminez à l'encontre de moy, le chemineray contre vous en fureur contraire, & vous corrigeray de sept playes pour vos pechez: Tellement que vous m'agerez la chair de vos fils & de vos filles. Je destruiray vos hauts lieux, & rompray vos simulacres. Vous cherrez entre les ruines de vos idoles, & mon ame vous aura en abomination, Iusques à mettre vos citez en desolation, & destruiray vos sanctuaires, & ne steteray point doreseuuant vostre tressouëf o deur: Et si gasteray vostre terre: & vos ennemis quand ils habiteront en icelle, s'en estonneront. Mais ie vous espardray parmy les gens, & desgaineray mon glaiue apres vous, & sera vostre terre desolee, & vos citez destruiētes. Adonc la terre prendra plaisir à ses repos, tous le iours qu'elle sera desolee, quand vous serez en la terre de vos ennemis. Elle sabbatizera & se reposera és sabbaths de sa solitude, pour ce qu'elle ne s'est reposée en vos sabbaths quand vous y habitiez: Et à ceux qui resteront d'entre vous, i'enduiray vne lascheté en leurs cœurs en la terre de leurs ennemis, & le son d'vne fucille esmeuë les espouentera, & fuiront comme pour glaiue, & tomberont sans que nul les poursuiue: Et s'entrecheurteront l'vn cōtre l'autre, comme fuyant la guerre, Nul de vous n'osera resister à vos ennemis.

Vous perirez entre les gés, & la terre de vos ennemis vous consumera: Et si aucuns d'iceux y demeurent, ils languiront en la terre de leurs ennemis pour leurs iniquitez, & serôt affligez pour les iniquitez de leurs peres, & les leurs: Iusques à ce qu'ils confessent leurs iniquitez, & auront memoire de leurs peres selon la preuarication qu'ils ont perpetré contre moy, & qu'ils ont cheminé contre moy. Donc aussi ie chemineray cōtr'eux & les meneray en la terre de leurs ennemis, iusques à ce que leur cœur incirconcy s'humilie: Alors ils supplierōt pour leurs iniquitez Et i'auray souuenance de mon alliã ce que i'ay faicte avec Iacob & Iaac, & Abraham: & auray aussi memoire de la terre, Laquelle estant laiffée d'iceux, elle prendra plaisir en ses repos, endurãt la solitude par eux: mais il prieront pour leurs pechez, pour autant qu'ils ont reponuẽ mes iugemẽs, & contemnẽ mes ordõnances. Toutesfois quand ils estoient en la terre de leurs ennemis, ie ne les ay point reponuẽ du tout, & si ne les ay point desprisẽs pour les cõsumer, & rõpre mon alliance avec eux: car ie suis le Seigneur leur Dieu. Et auray memoire de ma premiere alliã ce, quand ie les retiray du pais d'Egypte, deuant les gens, afin que ie fusse leur Dieu. Ie suis le Seigneur Dieu. Tels sõt les iugemens & les commandemens & loix que le Seigneur à donnees entre soy & les enfans d'Israel en la montagne de Sinai par la main de Moÿse.

Du Prophete Esaie. Chap. i.



LA vision de Isaie, fils d'Amos, laquelle ñ veit, touchant Iuda, & Ierusalem, ès iours de Ozias, Ioatã, Achaz, & Ezechias, Roys de Iuda. Escoutez cieux, & toy terre preste l'oreille: car le Seigneur a parlẽ: J'ay nourry des enfans, & les ay esleuez: mais iceux m'ont desprisẽ. Le bœuf a cogneu son possesseur, & l'asne la creche de son maistre: mais Israel ne m'a pas cogneu, & mon peuple n'a pas entendu. Malediction sur la gent pecheresse, peuple chargẽ d'iniquitẽ, semẽce mauuaise, enfans pleins de pechẽ. Ils ont delaisse le Seigneur, ils ont blasphemẽ le saint d'Israel, ils se sont retirez en arriere. Pour quelle chose vous frapperay ie plus, veu que vous adioustez iniquitẽ? Tout le chef lãguit, & tout cœur

est en tristesse. Depuis la plante du Pied, iusques au sommet de la teste, il n'y a point en luy de santé. La playe ouverte, & la meurtrisseure, & la playe enfee, n'ont pas esté enuoloppées, ne gueries par medecine, n'y adoucies de huyle. Vostre terre est deserte, vos citez sont bruslees par feu. Les estrangers deuorent en vostre presence vostre region: & sera desolee, comme en la destruction des ennemis. Et la fille de Sion sera delaissee, comme vne maison nette en lavigne, & comme la petite loge au lieu des combres, & comme la cité qui est desconfite. Si le Seigneur des armées ne nous eust laissé semence, nous eussions esté comme Sodome, & serions semblables à Gomorrhe. Vous princes des Sodomies escoutez la parole du Seigneur: & vous peuples de Gomorrhe, escoutez des oreilles la loy de nostre dieu. Qu'ay-ie affaire (dict le Seigneur) de la multitude de vos oblations? Je suis plein. Je n'ay pas demandé les sacrifices bruslez des moutons, ne la graisse des grasses bestes, ny le sang des veaux, ne des aigneaux, ne des boucs. Quand vous viédrez en ma presence, qui a demâé telles choses de vos mains. pour marcher en mes paruis? N'apportez plus dorenuant sacrifice en vain: l'encens n'est en abomination. Je ne souffriray plus vostre nouvelle lune, ne le Sabbat, ne les autres festes. Vos congregations sont iniques. Mon ame hayt vos iours des Calendes, & vos solemnitez: icelles me sont en charge, j'ay eu peine en les soustenant. Et quand vous estendrez vos mains, ie destourneray mes yeux arriere de vous: & quâd vous multiplierez l'oraison, ie ne vous exauceray point. Car vos mains sont pleines de sang. Lavez vous, soyez nets, ostez le mal de voz pensées de deuât mes yeux. Cessez de faire mal. Apprenez à bien faire. Querez iugement, aydez celuy qui est oppressé: faites iugement pour l'orphelin, defendez la veue. Puis venez & me reprenez, dict le Seigneur: Quand vos pechez seroyt rouges côme l'escarlate, si seront ils blanchis comme la neige. Et quand ils seroyent rouges comme le vermillon, si seront-ils blancs comme laine. Si vous voulez, & si vous m'escoutez, vous mangerez les biens de la terre. Que si vous ne voulez, & si vous me prouquez à courroux: le glaive vous deuorera, car la bouche du Seigneur l'a dict. Commét est deuenu paillarde la cité fidelle, pleine de iugement: iustice habitoit en elle: mais maintenant ce sont

homicides. Ton argēt est tourné en escume : ton vin est
 meslé d'eau. Tes princes *sont* de sloyaux & compagnons
 des larrôs. Ils ayment tous les dons, ils suyuent les retri-
 butions. Ils ne font pas iugement pour l'orphelin : & la
 cause de la veufue ne viēt point à eux. Pour ce dit le Sei-
 gneur Dieu des armées, le fort d'Israël: Ha, ie me cōsole-
 ray de mes aduersaires, & me vengeray de mes ennemis.
 Et ie retourneray ma main sur toy, & refōderay au net tō
 escume, & osteray tout ton estain. Et restituera y tes iuges
 comme ils ont esté parauant, & tes conseillers comme *ils*
ont esté anciennement : Apres ce tu seras appelée, Cité du
 iuste, ville fidelle. Sion sera rachepTEE par iugement, & la
 reduiront en iustice. Et brisera les peruers & les pecheurs
 ensemble & ceux qui ont delaisié le Seigneur, seront cō-
 sumez. Car ils seront confuz par les idoles aufquels ils
 ont sacrifié Et aurez hôte des iardins que vous auiez es-
 leus. Quand vous serez cōme le chesne iettant ses fūcil-
 les en bas, & cōme le iardin sans eau. Et sera vostre for-
 ce comme la flammesche de l'estoupe, & vostre œuure
 comme l'estincelle : & tous deux seront ensemble allu-
 mez, & n'y aura aucun qui les esteinde.

Du mesme Prophete, Chap. 3.


CAR voicy le dominateur, le Seigneur des armées, o-
 stera de Ierusalē, & de Iuda, le puisāt & le fort, tou-
 te la force du pain, & toute la force de l'eau. Le fort, &
 l'hōme cōbatāt, & le iuge, & le Prophete, le diuin, & l'an-
 cien: le cinquantenier, & celuy qui est honorable de re-
 gard, & le conseilier, & le sage entre les maistres des ou-
 riers, & *celuy qui est prudent en la parole mystique*. Et ie
 leur donneray des enfans pour princes, & les effeminez
 domineront sur eux. Et trebuchera le peuple, l'hōme cō-
 tre l'homme, & vn chacun contre son prochain. L'enfant
 se mutinera contre l'ancien, & le vilain contre le noble.
 Car l'homme prédra son frere, le domestique de son pe-
 re, & dira, Tu as vn vestement, sois nōstre prince, & ceste
 ruine soit soubs ta main. Et en ce iour-là il respōdra, di-
 sant: Ie ne suis point medecin, & en ma maison n'y a ne
 pain ne vestement, ne me constituez point le prince du
 peuple. Car Ierusalem est tresbuche, & Iuda est cheu:

pourtant que leur langue & leurs inuentions sont contre le Seigneur, pour prouoquer les yeux de sa maicsté. La reconnaissance de leur face respondra cõtre eux: & ils ont aussi publié leur peché comme Sodome, & ne l'ont pas celé. Malediction sur leurs ames: car les maux leur sont rendus. Dictes au iuste, que *il va bien*, car il mangera le fruit de ses inuentions.

Malediction sur le meschant en mal: car la retribution de ses mains luy sera faicte. Leurs exacteur ont despoilé le mon peuple, & les femmes ont dominé sur eux. Mon peuple, ceux qui te disent bien-heureux, ceux-là te decoiuent & dissipent la voye de tes pas. Le Seigneur est debout pour iuger, & est debout pour iuger les peuples. Le Seigneur viendra au iugement avec les anciens de son peuple, & avec les princes. Car vous auez consumé ma vigne, & la rapine du pauure est en vostre maison. Pourquoy fouillez vous mon peuple, & froissez la face des pauures? dit le Seigneur des batailles. Et le Seigneur Dieu a dit: Pourtant que les filles de Sion se sont esleues, & ont cheminé le col estédü, & alloient en faisant signes de l'œil, & applaudissoient & alloient, & de leurs pieds marchoient par pas composez: Le Seigneur descheuera la teste des filles de Sion, & le Seigneur descourra leurs pèrnuques. En ce iour là le Seigneur otera l'ornement des souliers, & les crochez & les colliers. Et les affiquets, & les brasselets, & les coiffes, & les rubens lians les cheueux. Et les ornemens desiambes, & les chaines du col, & les pommes de senteurs, & bagues pendüs aux oreilles. Et les anneaux, & les carquans pendans au front, & les vestemens quel'on change. Et les petits menteaux, & les draps de linge, & les aiguilles. Et les miroirs, & les chemises de lin, & les templeieres, & les coupurechefs. Et au lieu de souëf odeur sera puanteur, & au lieu de ceinture, vn petit cordeau, & pour la chenure crespellee, la teste pelée: & pour le corset, la haire, Aussi tes hommes les plus beaux cherront par l'espée, & tes forts en la bataille. Et les portes d'icelle se plaindront, & ploreront, & elle sera assise à terre *comme desolée*.

FIN.

n
ft
e-
u
ol
a-
e
a-
a,
er
i-
i-
i,
ut
n
m
r-
é,
ir-
ns
pp
u-
ils
ois
re
?



17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

